

第二十二卷

行

22

蟲魚部下品

總八十一種今疏其要者十六種

蝦蟆

蟾酥

牡鼠糞

蛤蜊

粉附

蚶

殼附

蚶蛇膽

蛇蛻

白頸蚯蚓

蜈蚣

蛤蚧

水蛭

斑貓

田中螺汁

白花蛇

烏蛇附

蜚螋

五靈脂

蝎

蛟鯉甲

蝦蟇味辛寒有毒。主邪氣。破癥堅。血癰腫。陰瘡。服之不患熱病。療陰蝕。疽癘。惡瘡。獾犬傷瘡。能

合玉石。一名蟾蜍。

李時珍曰。人於端午日。捕取陰乾黃泥。固濟煨存性用。亦不以此。以肉者。錢仲陽。治小兒冷熱。瘡。瀉。如。聖。丸。用。乾。者。酒。煮。成。膠。丸。厚。心。法。也。亦。類。鈴。方。云。蟾。日。赤。腹。是。字。者。

疏○蝦蟇蟾蜍木是二物。經云一名蟾蜍者。蓋古人通稱蟾為蝦蟇耳。經文雖名蝦蟇。其

不可用。有一種小蛙。多食令人尿閉。脐下酸毒。至死者。搗車前水飲之。可解。俗謂之白蟾。是也。用實則蟾蜍也。今世所用者。皆蟾蜍。而非蝦

蟇。其功益可見矣。稟土金之精氣。上應月魄。

性亦靈異。其味辛氣寒。毒在眉稜皮汁中。其
主癰腫、陰瘡、陰蝕、疽癘、惡瘡、爛火傷、瘡者皆
熱毒氣傷肌肉也。辛寒能散熱解毒。其性急
速。以毒攻毒。則毒易解。毒解則肌肉和。諸證
去矣。凡癰疫邪氣得汗則解。其味大辛。性善
發汗。辛主散毒。寒主除熱。故能使邪氣散而
不留。邪去則胃氣安。而熱病退矣。破癥堅血
者。亦以其辛寒能散血熱壅滯也。陶隱居云。

其肪塗玉。則刻之如蠟。故云能合玉石。近世治小兒疳疾。多用。以其走陽明而能消積滯也。

主治參互

全嬰方。五疳保童丸。治五疳八痢。面黃肌瘦。好食泥土。不思乳食。用大乾蟾蜍一枚。燒存性。皂角去皮弦一錢。燒存性。蛤粉水飛三錢。

麝香一分。胡九粟米。空心米飲下三四十

九日二服。鄭氏小兒方。走馬牙疳。侵蝕口
鼻。乾蚶蚶。黃泥裹固。煨過。黃連各二錢半。青
黛一錢。入麝香少許。和研傅之。錦囊秘覽。
附骨壞瘡。久不瘥。膿汁不已。或骨從瘡孔中
出。用大蝦蟆一箇。亂髮一雞子大。猪油四兩。
入二物煎枯。去滓待凝。如膏。先以桑根皮烏
頭煎湯洗拭乾。煨龍骨末。糝四邊。以前膏貼
之。醫林集要。發背腫毒初起。勢重者以活

蟾一箇破開連肚乘熱合瘡上不久必臭不
可聞再易三四次即愈。袖珍方治風犬傷
即用蟾蜍後足搗爛水調服之先於頂心拔
去血髮三兩根則小便內見沫也。

○蟾酥甄權云端午日取眉脂以朱砂麝香爲

李時珍曰取酥法不或以手捏其肩稜取白汁於紙上及桑葉上置陰處一宿即乾

丸如麻子大治小兒疳瘦每日一丸如腦疳

以乳汁調滴鼻中。日華子云眉酥治蚰牙和

牛酥摩傅腰眼并陰囊治腰腎冷并助陽氣

蘇頌云主蚱牙及小兒疳瘦觀諸家所主但言其有消積殺蟲溫煖通行之功然其味辛甘氣溫善能發散一切風火抑鬱大熱癰腫之候爲拔疔散毒之神藥第性有毒不宜多用入發汗散毒藥中服者尤不可多

主治參互

同鐵繡桑礪麝香牛黃水片用金鍼鍼入疔根抹入前藥其疔根卽爛出 疔疔丸同硃

砂、冰片、牛黃、明礬、白僵蠶、麝香、黃蠟、溶化作
丸、麻子大、用葱頭白酒吞下、取汗、不過二三
小丸、青囊雜纂、拔取疔黃、蟾酥以麵丸、梧
子大、每用一丸、安舌下、卽黃出也、危氏方
拔取疔毒、蟾酥以白麵、黃丹、搜作劑、每丸麥
粒大、挑破、納入、仍以水澄膏貼之、保命集
一切瘡毒、蟾酥一錢、白麵二錢、硃砂少許、井
水調成小錠子、如麥大、每用一錠、葱湯服、汗

出卽愈如瘡勢緊急用三四錠萬氏家抄
凡癰疽發背無名腫毒初起者急取蟾酥三
五分廣膠一塊米醋一二碗入銚內火化開
用筆蘸乘熱令人不住手周圍潤之以散爲

度

簡誤

蟾雖有毒與病無害其眉酥有大毒不宜多
服諸家咸云治小兒疳瘦恐非正治不宜漫

嘗也、卽用亦煨過者、予親見一人、因齒痛、以蟾酥納牙根、誤吞入、頭目俱脹大、而斃、卽陶注云、其皮汁甚有毒、犬嚙之、口皆腫之驗也、惟疔腫服之者、取其以毒攻毒之義、然其劑亦甚小、不能爲害耳、外治殊有神效、若欲內服、勿過三釐、慎毋單使、必與牛黃、明礬、乳香、沒藥之類同用、乃可、如瘡已潰、欲其生肌、長肉之際、得之作痛、異常、不可不知也、

牡鼠糞微寒無毒主小兒癰疾大腹時行勞復

兩頭尖者是牡鼠屎

疏○牡鼠糞本經諸家不言味但云微寒無毒然詳其所自應是苦鹹之物蓋鼠屬水而凡糞必苦者也入足陽明足厥陰經其主小兒癰疾大腹及時行勞復者皆熱邪在陽明也苦寒能除是經之熱所以主之古方治男子陰易腹痛婦人吹乳乳癰皆取其除熱軟

堅泄結走肝入胃之功耳。

主治參互

同白芷、山茨菇、山豆根、遠翹、金銀花、蒲公英、
夏枯草、貝母、橘葉、栝樓根、紫花地丁、牛旁子。
治乳癰乳岩有效。外臺秘要傷寒勞復用
雄鼠屎二十枚、豉五合、水二升、煮一升、頓服。
活人書加梔子、葱白。南陽活人書：男子陰
易及勞復。緞鼠屎湯。用緞鼠屎兩頭尖者十

四枚、韭白根一大把、水二盞煎一盞、溫服得
黏汗爲効、未汗再服。集要方、婦人吹奶、鼠
屎七粒、紅棗七枚、去核、包屎燒存性、入麝香
少許、溫酒調服、并治乳癰初起。普濟方、太
小便秘、雄鼠屎末、傅臍中、立効。除傷寒勞
復陰易、及乳癰、乳岩外、他用甚稀、故不著簡
誤。

蛤蜊冷無毒、潤五藏、止消渴、開胃、解酒毒、主老

癖能爲寒熱者。及婦人血塊。煮食之。

疏○蛤蚧稟水中之陰氣以生。其味鹹。氣冷。無毒。入足陽明經。五臟皆屬陰。得水氣之陰者。其性滋潤。而助津液。故能潤五臟。止消渴。開胃也。鹹能入血。軟堅。故主婦人血塊。及老癖爲寒熱也。煮食更能醒酒。

○蛤粉。丹溪云。味鹹寒。無毒。主熱痰。溼痰。老痰。頑痰。疝氣。白濁帶下。同香附末。姜汁調服。主

心痛。

李時珍曰取掌口蛤蜊殼煨成以熟括樓連子全搗粉和成餅風乾用最妙

疏○此即蛤蜊殼煨成粉者其味鹹氣寒無毒

為諸痰證之要藥蓋痰未有不山火氣上炎

煎熬津液而成鹹能軟堅潤下得之則火自

降痰結自消矣疝氣白濁帶下皆腎經為病

也腎屬水鹹為水化氣類相從故能入腎以

除其所苦也心痛者心虛而熱邪客之也五

臟苦欲補瀉云心欲軟急食鹹以軟之此之

謂也。更有消浮腫。利小便。散癭核。腫毒。婦人
血塊。湯火傷瘡等用。

主治參互

普濟方。氣虛水腫。用大蒜十箇。搗如泥。入蛤
粉丸。梧子大。每食前白湯下二十九。服盡。小
便下數桶而愈。潔古方。治白濁遺精。真珠
粉丸。用蛤粉煨一斤。黃檗蜜炙一斤。爲末。水
跌爲丸。梧子大。每服一百丸。空心溫酒下。日

二次。蓋蛤粉味鹹而能補腎陰。黃蘗苦而降心火。堅腎故也。

簡誤

肉氣味雖冷。乃與丹石人相反。食之令腹結痛。殼粉善消痰積血塊。然脾胃虛寒者宜少用。或加益脾胃藥同用爲宜。

蚶溫主心腹冷氣。腰脊冷風。利五藏。健胃。令人能食。又云溫中消食。起陽益血色。殼燒過以

米醋三度淬後埋令壞醋膏丸治一切血氣冷氣癥癖。

疏○蚺得水中之陽氣故其味甘氣溫性亦無毒經曰裏不足者以甘補之又曰形不足者溫之以氣甘溫能益氣而補中則五臟安胃氣健心腹腰脊風冷俱瘳矣胃健則食自消臟煖則陽自起氣充則血自華也鼓味鹹走血而奠堅故能治血氣令氣癥癖丹溪用

以消血塊化痰積。以此也。今世糟其肉爲侑
酒之物。罕有入藥者。豈惟消癥瘕之外無他
用。故並不著主治及簡誤。

蝮蛇膽味甘苦寒。有小毒。主心腹蠱痛。下部蠱
瘕。日腫痛。

疏○蝮蛇稟火土之氣。其膽爲甲乙風木之
化。故其味苦中有甘。氣寒。有小毒。氣薄味厚。
陰也。降也。入手少陰。足厥陰。陽明經。心腹蠱

痛者。蟲在內攻。嚙也。下部蠱瘡者。蟲在外侵蝕也。溼熱則生蟲。苦寒能燥溼。殺蟲。故內外施之。皆得也。肝開竅於目。肝熱則目腫痛。人肝泄熱。則腫痛除矣。今人受杖時。用此噙化。可得不死。其功能護心止痛。使惡血不上。薄心。有神力也。

主治參互

同血竭、乳香、沒藥、狗頭骨、灰、麝蟲、天靈蓋、象

牙末麻皮灰丹砂作丸臨杖服一丸護心止
痛多杖無害、聖惠方小兒急疔瘡水調蚘
蛇膽傅之、醫方摘要痔瘡腫痛蚘蛇膽研
香油調塗立効、真膽絕難得狹長通黑皮
膜極薄舐之甜苦剔取粟許着淨水中浮游
水上回旋行走者爲真其徑沉者非也勿多
着亦沉散也今世惟爲受杖人所需餘甚稀
使故不著簡誤、

蛇蛻音稅味鹹甘平無毒主小兒百二十種驚癇

瘕癘癲疾寒熱腸痔蟲毒蛇癇弄舌搖頭大人

五邪言語僻越惡瘡嘔欬明目火熬之良畏慈石反酒

雷公曰切勿用青黃蒼色者只用白色如銀者先於地下掘坑深三寸置蛇於中一宿取出
疏○蛇蛻蛇之餘性猶存不以氣味為用者

醋浸炙乾用。李時珍曰先以皂角水洗淨置竹竿上俟乾或醋或酒或蜜浸炙乾用或
故蛇之性上竄而主風蛻之用人肝而辟惡

燒存性或鹽泥同煨各隨方用。忌婦忌之
其性一也小兒驚癇瘕癘癲疾寒熱蛇癇弄

舌搖頭大人五邪言語僻越皆肝經為病邪

惡侵犯也。蛇蛻走竄能引諸藥入肝散邪故

主如上等證善能殺蟲。故主腸痔蟲毒惡瘡。邪去木平。故止嘔欬。明日。今人亦用以催生去翳膜者。取其善脫之義也。

主治參互

肘後方治小兒頭面瘡。蛇蛻燒灰。臘猪脂和傅之。并治小兒月蝕。周蜜齊東野語云。小兒痘後障翳。蛇蛻一條。燒焙。天花粉五錢。爲末。以羊肝破開。夾藥縛定。米泔水煮食。屢試。

輒効、真奇方也。濟生秘覽治橫生逆生須
臾不救、用蛇蛻一具、蟬蛻十四箇、髮一握、並
燒存性、分二服、酒下、仍以小鍼刺兒足心、擦
鹽少許、卽順并能下胞衣。產乳方、婦人吹
乳、蛇皮一尺七寸、燒末、酒服。千金方、諸漏
有膿、蛇蛻灰傅之、卽蟲出。直指方、魚臍瘡
出水、四畔浮漿、用蛇蛻燒存性、雞子清和傅。
醫方摘要、耳忽大痛、如有蟲在內、奔走、或

血水流出或乾痛不可忍者蛇蛻皮燒存性
研細鷲翎吹入立愈

簡誤

小兒驚癇癩疾非外邪客忤而由於肝心虛
者不効

白頸蚯蚓味鹹寒大寒無毒主蛇痕去三蟲伏
尸鬼疰蟲毒殺長蟲仍自化作水療傷寒伏熱
狂謬大腹黃疸一名土龍

畏葱鹽

疏○蚯蚓得土中陰水之氣。故其味鹹寒。無

雷公曰收時用糯米淘浸一宿。取出用酒浸一日。焙乾。臨用切。每二兩以湯椒糲米。若二錢五分同炒。至

毒大寒。能祛熱邪。除大熱。故主伏尸鬼疰。及

米熟揀出用

療傷寒伏熱狂謬。鹹主下走。利小便。故治大

腹黃疸。諸蟲瘕咸屬溼熱所成。得鹹寒之氣。

則瘕自消。蟲自去。而蠱毒之熱亦解矣。昔一

道人治熱病發狂。用白頸蚯蚓十數條。同荆

芥穗搗汁與飲之。得臭汗而解。其為治傷寒

伏熱狂謬之明驗也。

主治參互

肘後方、傷寒熱結六七日、狂亂見鬼欲走、以
大白頸蚯蚓半斤、去泥、用人溺煮汁飲、或生
絞汁亦可。斗門方、小便不通、因溼而得者、
用蚯蚓搗爛、浸水濾取濃汁半碗、服立通。
勝金方、耳卒聾閉、蚯蚓入鹽、安葱管內、化水
點之、立効。保命集、療癰潰爛流串者、用荆
芥根下段煎湯、溫洗良久、看瘡破紫黑處、以

針刺去血。再洗三四次。用韭菜地上蚯蚓一
把。五更時收取。炭火上燒紅。爲末。每一匙入
乳香沒藥輕粉各半錢。穿山甲九片炙爲末。
麻油調傅之。神效。

簡誤

蚯蚓氣大寒。能除有餘邪熱。故傷寒非陽明
實熱狂躁者。不宜用。溫病無壯熱。及脾胃素
弱者。不宜用。黃疸緣大勞。腹脹屬脾腎虛。尸

疰因陰虛成勞瘵者咸在所忌性復有小毒被其毒者以鹽水解之

蜈蚣味辛溫有毒主鬼疰蠱毒噉諸蛇蟲魚毒

殺鬼物老精溫瘧去三蟲瘵心腹寒熱結聚墮

胎去惡血赤頭足者良一名螂州一名天龍

李時珍云以火炙去頭足用或去其尾足以薄為葉厚者煨用

疏○蜈蚣稟火金之氣以生故其味辛氣溫

有毒乃屬陽之毒蟲足厥陰經藥也善能制

蛇見大蛇便緣上噉其腦淮南子云騰蛇游

畏蛤蚧蜘蛛白蟻雞屎桑皮頭垢

霧而殆於螂蛆。正指此也。故本經主噉諸蛇
蟲魚毒。及去三蟲蠱毒也。性復走竄辟邪。所
以能療鬼疰。溫瘧殺鬼物老精。辛主散結。溫
主通行。故又治心腹寒熱結聚。墮胎。去惡血
也。今世又以之治小兒驚癇風搖。臍風口噤。
與夫瘰癧便毒。痔漏等證。皆用之。

主治參互

金頭蜈蚣。得牛角。鱧象牙末。猪懸蹄。刺蝟皮。

蛀竹屑能去通腸漏管、直指方、癩瘡、一名
蛇瘴、蠻烟瘴、雨之鄉多毒蛇氣、人有不伏水
土風氣而感觸之者、數月以還、必發蛇瘴、惟

赤足蜈蚣最能伏蛇爲上藥、白芷次之、聖

濟總錄云、嶺南外蛇瘴、一名瑣喉瘴、項大腫
痛連喉、用赤足蜈蚣一二節、研細、水下卽愈、

奇効良方、天蛇頭瘡、生手指頭上、用蜈蚣

一條、燒爛、熏一二次卽愈、或爲末、豬膽汁調

塗之。濟生秘覽。便毒初起。蜈蚣一條。上
焙存性爲末。酒調服。圖經。治初生小兒口
噤不開。不能乳者。用赤足蜈蚣。去足。炙研末。
以豬乳二合。調半錢。分三四服。溫灌之。効。

簡誤

蜈蚣性有毒。善走竄。小兒慢驚風。口噤不言。
大人溫瘧。非烟嵐瘴氣所發。心腹積聚。非蟲
結蛇瘕。便毒成膿。將潰。咸在所忌。性畏蛞蝓。

不敢過其所行之路。能嚙人痛甚。以蜺蝮搗塗之。痛立止。蜈蚣能制龍蛇。而反畏蜺蝮。蜘蛛。卽莊子所謂物畏其天。陰符經所謂禽之制在氣也。凡使勿用。下足蟲。真相似。但蜈蚣腰中一段無腳。所以能掬而彈遠爲異。又云頭上有白肉。面并嘴尖。可別。若誤用。并把着腥臭氣入頂。能殺人也。

蛤蚧味鹹平。有小毒。主久肺勞傳尸。殺鬼物邪。

氣療欬嗽。下淋瀝。通水道。生巖南山谷。及城牆。或大樹間。身長四五寸。尾與身等。形如大守宮。一雌一雄。常自呼其名。曰蛤蚧。最護惜其尾。或見人欲取之。多自嚙斷其尾。人卽不取之。凡採之者。須存其尾。則用之力全故也。

疏○蛤蚧得金水之氣。故其味鹹。氣平。有小毒。入手太陰。足少陰經。其主久肺勞。傳尸鬼物邪氣。欬嗽淋瀝者。皆肺腎爲病。勞極則肺

腎虛而生熱。故外邪易侵。內證兼發也。蛤蚧屬陰。能補水之上源。則肺腎皆得所養。而勞熱咳嗽自除。邪物鬼氣自去矣。肺朝百脉。通調水道。下輸膀胱。肺氣清。故淋瀝水道自通也。又顧玠海槎錄云。廣西橫州甚多蛤蚧。牝牡上下相呼累日。情洽乃交。兩相抱負。自墮於地。人往捕之。亦不知覺。以手分劈。雖死不開。乃用熟稿草。細纏蒸過。曝乾。售之。煉爲房

中之藥。甚効。尋常捕者不論雌雄。但可爲雜藥用。

主治參互

寇氏衍義治久嗽不愈、肺積虛熱成癰、欬出膿血、曉夕不止、喉中氣塞、胸膈噎痛、用蛤蚧、阿膠、鹿角膠、犀角、羚羊角、各二錢半、用河水三升、銀石器內文火熬至半升、濾汁、時時仰

臥細呷日一服、

咳嗽由風寒外邪者不宜用。雷公曰：其毒在眼，須去眼。及甲上尾上腹上肉毛，以酒浸透，隔兩重紙，緩焙令乾，以甕器成，懸屋東角上，一夜用之，力可十倍，勿傷尾。

水蛭，味鹹，苦平，微寒，有毒。主逐惡血，瘀血，月閉。

破血，癥積聚，無子，利水道，又墮胎。俗名馬蟻

弘景云：蛭，有，用水中為蟻，得嚙人，腹中者，血者，乾之佳。韓保昇曰：用竹筒盛，密封。
疏○水蛭生於溪澗陰溼之處，其味鹹苦，氣

平有大毒。其用與、蚤、蟲相似。故仲景方中往

待乾用時以米泔浸一宿晒乾用猪脂煎令佳黃然後用之。大明曰此物極難修治須細剉

往與之並施。鹹入血走血苦泄結鹹苦並行

以微火炒色黃乃熟不則入腹程酒生子為害。李時珍曰凡途行飲水及食水芹誤吞水蛭入腹

故治婦人惡血瘀血月閉血瘦積聚因而無

為毒者以田泥或搗黃土水飲數升則下蓋蛭在人腹忽得土氣而隨出耳或以牛羊熱血

子者。血畜膀胱則水道不通。血散而膀胱得

三升同猪脂飲之。下

氣化之職。水道不求其利而自利矣。墮胎者

以其有毒善破血也。

上治參互

人抵常湯治傷寒畜血下焦因而發狂人

大黃麋虫丸兼治虛勞骨蒸咳嗽內有乾血
皮膚甲錯入鼈甲煎丸消瘧母已上皆仲
景方古今錄驗方墜跌打擊內傷神効水
至一兩燒令烟出爲末入麝香一兩每酒服
一錢當下畜血未止再服其効如神

簡誤

水蛭虫蟲皆破逐瘀血血瘀發病之惡藥而
水蛭入腹煨之若尚存性尚能變爲水蛭嚙

人腸臟。非細故也。破瘀消血之藥。備多。正足
選用。奚必用此難制之物。戒之可也。如犯之。
以黃泥作丸吞之。必入泥而出。

斑猫味辛寒有毒。主寒熱鬼疰。蠱毒鼠瘻。疥癬。
惡瘡。疽蝕死肌。破石瘕。血積傷人肌。墮胎。馬刀

使畏也。豆丹

參空。主青甘草。并著連里豆。釀汁。葱茶醋。

得糯米良

大明曰。頂去翅足。合糯米炒熟。生用。令人吐瀉。

疏○斑猫稟火金相合之氣。故其味辛。氣寒。

李時珍曰。用麩炒過。仍醋煮用之。

扁鵲云。有人毒。近人肌肉。則潰爛。毒可知矣。

入手陽明手太陽經性能傷肌肉蝕死肌故
主鼠瘻疔瘡疥癬辛寒能走散下泄故主破
石癢血積及墮胎也至於鬼疰蠱毒必非極
辛大毒之藥所能療此本經之誤甄權主療
癰通利水道以其能追逐腸胃垢膩復能破
結走下竅也

主治參互

治療癰用肥皂二斤去核每肥皂一莢入斑

貓四枚。線縛。蒸取出。去斑貓。并肥皂皮筋。得淨肉十兩。入貝母二兩。栝樓根。玄參。甘草。薄荷葉。各一兩五錢。共爲末。以肥皂搗如泥。爲丸。梧子大。每服一錢。白湯吞服。後腹疼勿慮。此藥力追毒之故。治癩犬咬方。用斑貓七箇。去頭足。并翅。酒洗。和溼糯米。銅杓內炒米熟爲度。隨將二物研成細末。加六一散三兩。分作七服。每清晨一服。白湯調下。本人頭頂

心必有紅髮二、三根，要不時尋覓拔去。經
驗方內消瘰癧，不拘大人小兒，用斑貓一兩，
去頭足翅，以粟米一升同炒，米焦去米，入薄
荷四兩爲末，烏雞子清丸，如菉豆大，空心臘
茶下三丸，加至五丸，却每日減一丸，減至一
丸，後復日增一丸，以消爲度。

簡誤

斑貓性有大毒，能潰爛人肌肉。惟瘰癧癩犬

咬。或可如法暫施。此物若煨之存性。猶能嚙
 人腸胃。發泡潰爛致死。卽前二證亦不若用
 米同炒取氣。而勿用質爲穩。餘證必不可餌。
 切戒切戒 杜婦切不可用

田中螺汁。大寒。主目熱赤痛。止渴。

疏○田螺產於水田中。稟水土之陰氣。故其
 汁大寒。味應甘。性無毒。陶隱居以真珠黃連
 末內入。良久取汁點目。神効。以其寒能除

熱也解一切有餘之熱故能止渴及醒酒。

主治參互

丹溪方治噤口痢疾川活大田螺二枚搗爛入麝香三分作餅烘熱貼臍間半日熱氣下行卽思食矣甚効。又方治小便不通腹脹如鼓用田螺一枚鹽半匕生搗傅臍下一寸三分卽通。經驗方大腸脫肛墜下三五寸者用大田螺二三枚將淨水養去泥用雞爪

黃連、研細末、入鑿內待化成水、以濃茶洗淨
肛門、將雞翎蘸水刷之、以軟帛托上、自然不
再發也、乾坤生意、痔漏疼痛、用田螺一箇、
入龍腦一分在內、取水擦之、效。

簡誤

目病非關風熱者不宜用。

白花蛇味甘鹹溫有毒。主中風溼痺不仁。筋脉
拘急。口面喎斜。半身不遂。骨節疼痛。大風疥癩。

及暴風瘙癢。脚弱不能久立。一名寒鼻蛇。白花

者良。

出勸州龍頭虎口黑質白花也。開如生尾有爪甲真斬產也。

疏○白花蛇生於土穴陰霾之處。稟幽暗毒

用。凡所藥頭尾皮骨須火化。忌遠頭之物甚毒不可不防。

厲之氣。故其味雖甘鹹。性則有大毒也。經曰。

風者百病之長。善行而數變。蛇性走竄。亦善

行而無處不到。故能引諸風藥至病所。自腑

臟而達皮毛也。凡癘風疥癬。啣僻。拘急。偏痺。

不仁。因風所生之證。無不藉其力以獲瘥。本

新著其功自非虛矣

主治參互

同苦參、何首烏、威靈仙、鼈蝨、胡麻、天門冬、白
部、豨薟、漆葉、刺疾藜、治癘風并遍身頑痺疥
癬、醫壘元戎、驅風膏、治風癱、癘風、遍身疥
癬、川白花蛇肉四兩、酒潤炙乾、天麻七錢半、
薄荷、荆芥各二錢半、爲末、好酒二升、蜜四合、
石器熬成膏、每服一盞、溫湯服、日三服、急於

暖處出汗十日効。瑞竹堂經驗方白花蛇酒治諸風癘癰用白花蛇一條酒潤去皮骨取肉絹袋盛之蒸糯米一斗安麴於缸底置蛇於麴上以飯安蛇上用物密蓋三七日取酒以蛇曬乾爲末每服三五分溫酒下仍以濁酒并糟作餅食之尤佳。潔古白花蛇散治大風病白花蛇烏梢蛇各取淨肉二錢酒炙雄黃二錢大黃五錢爲末每服二錢白湯

下、三日一服、

○烏蛇、卽烏梢蛇、氣味所主、經白花蛇同、第性

善無毒耳、修事亦同、不復載、

色黑如漆、尾細、有劍脊者良、

簡誤

白花蛇性走竄有毒、癘風疥癬頑痺等證、誠

爲要藥、然而中風口面喎斜、半身不遂、定緣

陰虛血少、內熱而發、與得之風溼者、殊科、非

所宜也、醫師宜辨之、頭尾并骨俱有大毒、須

盡去之

蟻 蝦 味鹹寒有毒。主小兒驚癇瘈瘲、腹脹寒熱。

大人癩疾狂易。音羊手足端寒支滿。貢豚。
一云推車客 畏石膏羊角

別錄云五月五日取蟻藏之臨用去其火炙勿犯水令人吐

疏○蟻 蝦 稟陰溼之氣以生。故其味鹹氣寒。

有毒。入足厥陰。手足陽明經。小兒驚癇瘈瘲。

腹脹寒熱。大人癩疾狂易。皆肝胃大腸三經。

風熱壅盛所致。鹹寒除三經之邪熱。則諸證。

自瘳。別錄主手足端寒支滿者。以脾胃主四。

肢。而治中焦。脾氣結滯。則血液不能通行。灌
溉於手足。胃家熱壅。及大腸結實。則中焦不
治。而氣逆支滿。行三與之壅滯。則所苦減除
矣。鹹能軟堅入腎。故又主奔豚也。古今方書
以之治一切痔瘻。及疔腫疔瘡。出箭鏃之用。

主治參互

本事方推車散治大小便經月不通欲死者。
用推車客七箇。男用頭。女用身。蜈蚣七箇。男

用身、女用頭、新瓦焙、硃末、片虎目、楮南向皮、煎汁調服、只一服立通、一方大腸脫肛、蠅

蠟燒存性爲末、入水片研勻、搽上、托之卽入

唐氏方、腸漏出水、用蠅蠟一枚、陰乾、入水

片少許爲細末、紙撚蘸末入孔內、漸漸生肉、

藥自退出卽愈、劉涓子方、附骨疽瘡、蠅蠟

七枚、同大麥搗傅、廣利方、無名惡瘡、忽得

不識者、用蠅蠟杵汁塗之、劉禹錫纂柳州

救三死方云元和十一年得丁瘡凡十四日
益篤善藥傳之莫救長慶賈方伯教用蠅
心一夕自苦皆已明年正月食羊肉又大作
再用如神驗其用蠅心在腹下度取之其
肉稍白是也貼瘡半日許再易血盡根出卽
愈蠅蜋畏羊肉故食之卽發其法蓋出葛洪
肘後方 楊氏家藏方箭鏃入骨不可移者
用巴豆微炒同蠅蜋搗塗斯須痛定必微癢

忍之待極癢不可忍乃撼動拔之立出凡諸
瘡皆可療也。搗爲丸塞下部引痔蟲出盡
永差。

簡誤

蠅娘有毒外用易臻厥功內服非虛人所宜
非不得已勿輕試。

五靈脂味甘溫無毒。主療心腹冷氣。小兒五疳。
辟疫。治腸風。通利氣脉。女子月閉。出北地。此是

寒號蟲糞也

惡人參損人

蘇頌曰此物多夾砂石最難修治凡用研為細末以酒飛去砂石晒乾焙用

○寒號蟲畏寒喜煖故其糞亦溫味甘而

無毒氣味俱厚陰中之陰降也入足厥陰手

少陰經性專行血故主女子血閉味甘而溫

故療心腹冷氣及通利氣脈也其主小兒五

疳者以其亦能消化水穀治腸風者取其行

腸胃之瘀滯也凡心胃血氣刺癩婦人產後

少腹兒枕塊諸痛及痰挾血成窠囊血凝齒

痛諸證所必須之藥。

主治參互

同澤蘭、牛膝、益母草、延胡索、牡丹皮、紅花、赤芍藥、山查、生地黃、治產後惡露不盡、腹中作疼、加桃仁、其効更速、勿過劑、同番降香、紅麴、川通草、紅花、延胡索、韭菜、童便、治胃脘瘀血作痛、同木香、烏藥、治周身血氣刺痛、和濟局方、失笑散、治男女老少心痛、腹痛、少

腹痛并少腹疝氣諸藥不効者能行能止婦人妊娠心痛及產後心痛少腹痛血氣痛尤妙用五靈脂蒲黃等分研末先以醋二盃調末熬成膏入水一盞煎至七分連藥熱服未止再服一方以酒代醋一方以醋糊丸童便酒服。楊氏產乳方紫金丸治產後惡露不快腰痛少腹如刺時作寒熱頭痛不思飲食又治久有瘀血月水不調黃瘦不食亦療心

痛功與失笑同以五靈脂水淘淨炒末一兩
以好米醋調稀慢火熬膏入真蒲黃末和丸
龍眼大每服一丸以水與童便各半盞煎至
七八分溫服少頃再服惡露卽下血塊經閉
者酒磨服之圖經產後血暈不知人事用
五靈脂二兩半生半炒爲末每服一錢白水
調下如口噤者幹開灌之入喉卽愈丹溪
方產後腹痛五靈脂香附桃仁等分研末醋

糊丸服一百丸、白朮、牛膝、陳皮湯下 事林

廣記、卒暴心痛、五靈脂炒一錢半、乾姜炮三分爲末、熱酒服、立愈 產寶方、胎衣不下、惡

血衝心、用五靈脂半生半炒、研末、每服二錢

溫酒下 百一選方、痰血凝結、紫芝丸、用五

靈脂、水飛、半夏湯泡、等分爲末、姜汁浸、蒸餅

丸、梧子大、每米飲下二十九 夏子益奇疾

方、血潰、怪病、凡人眼中白珠、渾黑、視物殊常

毛髮堅直如鐵條能飲食而不語如醉名曰
血潰以五靈脂爲末湯服二錢卽愈

簡誤

五靈脂其功長於破血行血故凡瘀血停滯
作痛產後血暈惡血衝心少腹兒枕痛留血
經閉瘀血心胃間作痛血滯經脈氣不得行
攻刺疼痛等證在所必用然而血虛腹痛血
虛經閉產婦去血過多發暈心虛有火作痛

病屬血虛無瘀滯者。皆所當忌。

蝎味甘辛有毒。療諸風癱瘓。及中風半身不遂。

口眼喎斜。語澇。手足抽掣。形緊小者良。

童去正鉗以薑汁拌炒

疏○蝎稟火金之氣以生。本經味甘辛有毒。

然察其用。應是辛多甘少。氣溫入足厥陰經。

諸風掉眩。屬肝木。風客是經。非辛溫走散之。

性。則不能祛風逐邪。兼引諸風藥入達病所。

也。故大人真中風。小兒急驚風。皆須用之。

主治參互

全幼心鑑小兒臍風宣風散治小兒初生斷

臍後傷風昏青口撮出白沫不乳用全蝎二

十一箇無灰酒塗炙爲末入麝香少許每用

金銀煎湯調半字服之經驗方大人風涎

用蝎一箇頭尾全者以薄荷四葉裹定火上

炙焦同研爲末作一服白湯下小兒驚風分

四服如前服得胡桃同煨共研黃耆金銀

花湯下治橫痃不收口

簡誤

蠲風藥也似中風及小兒慢脾風病屬於虛

法咸忌之

鮫鯉甲微寒主五邪驚啼悲傷燒之作灰以酒

或水和方寸匕療蟻瘻

得火良

尾甲尖厚者三角力勝

李時珍云用尾甲力勝入藥或炮或燒或酥炙醋炙便炙或油煎或碎之土拌炒蛤粉炒
疏○鮫鯉甲穿山穴居其性善走味辛平氣

者隨本方用絕無生用者。諺云穿山甲王不留婦人食之乳長流言其走通迅速也

微寒有毒入足厥陰兼入手足陽明經邪魅

着人則驚啼悲傷不已。辛主散，則邪魅去。驚
帝悲傷止矣。喜食蟻，又能入大腸，故療蟻癩。
蟻癩者，卽世人所云漏也。性走，能行瘀血，通
經絡。故又有消癰毒，排膿血，下乳和傷發痘
等用。

主治參互

鮫鯉甲俗名穿山甲。土炒，同乳香沒藥番降
香紅麴山查川通草童便治上部內傷胸膈

間疼痛、同當歸、白芷、金銀花、連翹、紫花地
丁、夏枯草、牛旁子、乳香、沒藥、甘草、貝母、皂角
刺、治癰腫未潰、資爲引導、佐地榆治便毒、

直指方、治鼠痔成瘡、腫痛、用穿山甲尾尖
處、一兩、煨存性、鼈甲酥炙一兩、麝香半錢爲
末、每服一錢、空心茶下、又方、乳汁不通、浦
泉散、用穿山甲炮研末、酒服方寸七日二服
外、以油梳梳乳卽通、又方、便毒便癰、穿山

甲半兩猪苓二錢並以醋炙研末酒服二錢
得紫草生犀角生地黃治痘瘡毒盛不得
起發色帶乾紅枯燥者有功

簡誤

癰疽已潰不宜服。痘瘡元氣不足不能起發
者不宜服。